



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Sponsa Dvorvm. Titulus IIII.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

Titulus IIII.

Polygamia, quæ non vnus, sed plurium vxorum promiscuus vsus dicitur, cū matrimonio pugnat: nec nostris temporibus, licet à primis patribus non omninò absq; vitio, vsurpata fuerit, conceditur. Quæ igitur duobus per verba de præsentī nubit, non posteriori, sed priori adhærere debet: nisi cum primo sponsalia de futuro, & cum secundo, sponsalia de præsentī contraxerit. Tunc enim non primo, sed secundo adhærebit. Quia, sicuti sponsalia de præsentī, sponsalia de futuro, soluunt: ita etiam spōsalibus postea de præsentī contractis præferuntur: intantū vt si post sponsalia de præsentī matrimonium esset contractū, & copula carnali consummatū, firmatumq; iurisiurandi religione, ipsum dissolueretur. Et fœmina à fide recedens, scq; alij iuges ecclesiastica districtione ad primum redire compelleretur. Quod quidem Alexander III. contra antiquitū iudicatum introduxit, in c. licet præter, ext. de spon. duorum. Item statuitur in adulescente, qui duas per verba de præsentī, sibi desponsat, tenetur enim primam desponsatam in vxorem habere, & si prius secundam cognouerit, c. tuas dudum, extr. eod. Quod si verò sponsalia contracta negentur, moueaturq; super hoc in iudicio controuersia, lite pendente, matrimonium ex interdicto contrahi non debet, aliàs cōtracti matrimonij rescissio cum infamia contrahentis permittitur, c. tua fraternitas, ext. eod. & glos. in l. eū qui duas, C. ad l. Juliam, de adul. & stupro.

DE